

Cejsa Gungconh:

“Gaiqbienqrin Lix” Vwnzmingz Ciuhgeq

贡川纱纸：古代文明的“活化石”

□ Cinz Suihwngz



▲ Cejsa at raemx le biengj bae dak hawq.

▲ Cejsa hau youh nyangq.

◀ Daesang at raemx ok seuq couh ndaej dak hawq.



▲ Naengfaexsa cimq unq le bienq hausak.



▲ Naengfaexsa dak hawq bwh cimq guh raemxceij.



▲ Lauzceij dwg dangz dinfwngz guhceij ndawde dangq hong ceiq youqgaenj.

Dava Yauzcuz Swciyen Gungconh Cunh dwg “Mbanjranz cejsa” okmingz Guengsae raeuz, gij guhfap cejsa, ceijlungz, ceijfaiq de, ciepswnj caeuq fatyengz le gij dinfwngz guh cejsa baenz cien bi lizsij cojcoeng de, ndaej haenh dwg “gaiqbienqrin lix” fap guhceij Cungguk.

Cejsa Gungconh lizsij gyaenanz, ndaw guk rog guk okmingz. Gijde daj Ciuhdangz hainduj, daengz Ciuhcingh satbyai hwnghoengh, baenz vunzlai Cuengh, Yauz dangdieg hangh hongsaeh hung ndeu. Aen sigij gonq caetib, betcib nienzdaih, gvaengh Gungconh miz 1000 lai ranz guh hong gyagoeng cejsa, gai biengyubyub, hawj gyoengq nungzminz ndaej demsou vutgungz. Gij yienzliuh cejsa (youh heuhguh ceijnaenggou,

ceijfaiqhau, ceijnaeng), ceijlungz, ceijfaiq dwg naeng faexsa, naeng doenggo cw, gienghgau doenghgo, hoi daengj, ndawde naeng faexsa dwg yienzliuh guhceij ceiq gihbwnj caemh dwg ceiq youqgaenj haenx. Faexsa youq heuhguh faexmoubiz, mingzhag heuh faexgou, gvihaeuj loih faex gonengznuengx loenq mbaw, nyinzndaij naengfaex nyangqnyat saeqraez, dwg yienzliuh ceiqndei guhceij, Guengsae gak dieg daegbied dwg diegbya baihsaebaek cungj maj miz, Gungconh nem gij diegbya henzgyawj de faexsa couh gig lai. Swhyenz faexsa lairaeuh vih hongsaeh guhceij Gungconh daezhawj le yienzliuh gaeuq yungh; caiqgangj guhceij, dangz dinfwngz ndeu dwg yausu ceiq youqgaenj de, dangz dinfwngz guhceij de cungj dwg ciuq bouqfwngzguh

ciuhgeq “cimqsa, cawjsa, swiqsa, genjsa, muhgiengh, guhraemxceij, lauzej, atraemx, nemdak, biengjceij, geqceij, dabca, raedceij” daengj 21 dangq hong daegbied gyagoeng ndaej baenz, gij cejsa guhbaenz haenx nyinzndaij raez, mbawceij hausak nyangqnyat, supraemx supdumz ndei, doengheiq unqnup, saeqnaeh naihyungh, re nduknaeuh re nondwk, supmaeg vaiq, fouz doeg mbouj bienq saek, louzyoz ndaej nanz, baenz cungj ceij daihgeq daihneix aeudauej sij gij mbawheiq youqgaenj, sawcoengcug nem sawging fuzgyau daugyau, ceijbiu sauqmoh ceiei cuengqcaeq caeuq ceijduksuek doxgaiq daengj. Cawz vunzlai dangdieg cawx yungh le, cejsa Gungconh miz hauilai gai bae daengz ndaw gih rog gih, lij cienj gai daengz doengh dieg Gangj Au Daiz, Dunghnanzya gak guk nem Ouhcouh, Feihcouh daengj dieg bae.

Bi 2006, cejsa Gungconh dangz dinfwngz dajguh de ndaej lied hauej buek daih’ it swicigih gaep feihvuzciz vwnzva yizcanj mingzloeg. Miz lauxhangz nyinhnaeuz cejsa Gungconh baenz dauq dinfwngz dajguh ciuhgeq de swnciep ndaej caez youh ndei, raen ndaej mbouj lai, cejsa youh gig ndei, daez naeuz aeu gyarengz baujhoh caeuq haifat, byaij ok diuz roen comz miz ginghci, ndawbiengz, lijyouz daengj cungj guh ndaej baenz ndeu okdauej, coicaenh ginghci ndawbiengz dangdieg cienzmienh hwnghat. Muengh “gaiqbienqrin lix” vwnzmingz ciuhgeq— cejsa Gungconh youq ndawbiengz ciuhneix ngoenz moq gvaq ngoenz neix dauq seng mbat moq, hwnghat cangqnoengq, baenz Dava caiqlij Guengsae mbawmingzcoh vwnzva lijyouz gyaundeide okmingz ndeu.



▲ Raedceij daeb baenz dab le couh ndaej gai.



▲ Faexsa youq Gungconh gizgiz raen miz.

◀ Cejsa nem hwnj ciengz dak hawq.